



“YMA thuvawn: YMA chu tanpui ngaite tanpuitu a ni”

YMA thiltum: 1. Hunawl hman that. 2. Zofate hmasawwnna ngaihtuah. 3. Kristian nun dan tha ngaihsan

Vol. 43	Issue No. 10	Ramhlun North: Ni 8 March, 2025
BRANCH THU THAR ■ Ramhlun North Memorial Park, Seling ram a mi chu ELL ESS Construction Company ten an luah dawn a. Agreement hi kum thum chhung ziahpuai an ni. ■ Central YMA buatsaih tuihna humhalh chungchang short film insiamsiak atan vawiin hian shooting neih a ni a. A changtu tur te heng mite hi an ni- NI. Lalrinsiami, N-Sec. Tv. Vanlalruata Sailo, T-Sec. Tv. Samuel Lahlupuia, V-Sec. Tv. Laldusaka, T-Sec. Tv. Lallawmsanga, S-Sec. Tv. Lalawmpuia Tochwang, T-Sec. Director Tv. Lenry MS Dawngliana, Production Director. ■ Karleh ni 14.03.2025 zan hian Executive Committee chu YMA Committee Room-ah neih tum a ni. ■ Pu Lalpawlliana, N-Sec. chu Chapchar Kut-a kan branch aiawha lam bungraw hrang hrang a thlawnin min hman tir a, tin, Pu VL. Pianruala, ECM chuan lam te ei tur tuihnai tak a tum sak a, hruiatuten lawmthu kan sawi tak zet a ni e.	CHAPCHAR KUT A ÏIAK TA <i>(Thupui: “Zonun Zemawi - Hawihhawmna”)</i> Ramhlun North, the 8th March, 2025: Chapchar Kut, 2025 chu Mizoram hmun hrang hrang leh ram pawna Mizo awm ten ropui leh hlilmawm taka hman a ni a. Thupui atan, “Zonun Zemawi - Hawihhawmna” tih hman a ni. Aizawlah chuan Aizawl Sipai Lammualah 03.03.2025 atang khan Chapchar Kut hawnna neih a ni a. Chapchar Kut Day Run-a hawn a ni. Tin, Flower Show, Aijal Club Lawn-ah leh Painting & Photo Exhibition, Vanapa Hall-ah te neih a ni bawk. Chapchar Kut Heritage Tour te, Mizo Typical Life - Live Demonstration te, Handloom, Textile & Handicraft Exhibition and Food Processing & Food Court te neih bawk a ni. Ni 06.03.2025 khan Chapchar Kut lawmna ni khatna chu Lammual-ah hian hman a ni a. He hunah Pu K. Sapdanga, Minister, Home Dept. chu Khuallian a ni. Tlawmngai pawl hrang hrang ten Mizo hnam lamte an entir a. Tin, zaithiam hrang hrang ten kalkhawm te zaiin an awi bawk a ni. Ni 07.03.2025 khan Chapchar Kut lawmna ni hnihna chu Lammualah vek hian hman leh niin Pu Lalduhoma, Chief Minister chu Kut Pa a ni a, Pu C. Lalsawivunga, Minister Art & Culture Dept. chu Kut thlengtua ni. Pu Lalhmachhuana, President, Central YMA chuan inlawmna thuchah a sawi a. Tin, Central YMA chuan hnam lam a entir a, Central YMA Cultural Performing Troupe bakah YMA branch 97 ten Mizo hnam lam (Cheraw leh Tlang lam) hi an entir a ni. Hei bakah hian hmar chhak state thenawm te atang tein hnam lam hrang hrang entir a bawk. Lemchan te, Sechhun khuangchawi te entir an nih bakah Mizo zaithiam kan neih that ber ber ten hun an hmang bawk a ni. Kan branch pawh hnam lamnaah hian tel ve a ni a. Hun hlu tak senga hun chep tak kara lam zira thawkhhuak zawng zawng te chungah Ramhlun North Branch YMA chuan lawmthu a sawi mawlh mawlh a ni. Kan branch aiawha lam te: Tv. Moses Lalremruata,C-Sec.,Tv. Francis Lalrammawia,C-Sec, Tv. H.Lalramhluna, C-Sec., Tv. Manase Malsawmzuala, C-Sec., Tv. Christopher V.L.Nunfela, C-Sec., Tv. Lalrinkima, N-Sec. Tv. K.Zothanmawia, K-Sec., Tv. Lalrinsanga, S-Sec NI. Rebecca Malsawmtluangi, C-Sec. NI.C.Lallawmzuali, K-Sec.NI.Lalnunpuui, K-Sec. NI.Lalnunfeli, K-Sec. NI.Helen Lalsiamthari, N-Sec.NI.Selthuampuii Hrahse, N-Sec.NI.K.Lalruatfeli, S-Sec. NI.Esther Lalruatsangi, S-Sec. NI.Grace Sailopari Sailo, T-Sec.	
SUB COM. THU THAR ■ Thlanmual Sub-Committee: Ni 01.03.2025 khan Thlanmual Sub-Committee member-te thlanmual, Zemabawk-ah a tul tul thawkin an hnattlang. ■ Library Sub-Committee: Ni 11.03.2025 zan hian Chawngbawla Runah committee tum a ni a, committee member ten lo hriat lawk tur a ni e. ■ Property Sub-Committee: Ni 11.03.2025 hian bungraw en fel leh MARYMA Computer table siam hnattan tum a ni a, member te lo inrinlawk tur a ni e.	LOCAL COUNCIL THU F. Lalliantluanga Dy. Commissioner of Food Safety, Directorate of Health Services hnen atanga lehkha kan dawn bawhzui nan Food Safety and Standards Act, 2006 in a phut angin mihring eitur siam leh zawrh chhuah zawng zawng - eichawp dawr, thingpui dawr, restaurant, cafe, hotel, guest house, homestay, hostel, caterer, chhang siam, chawhmeh zuar, sa dawr, theitui siam, kawng kama ei leh in dawr siamten License neih ngei ngei tur a ni a, license la nei lo ten ni 28.03.2025 ral hmain a hnua tarlanah hian buaipui tur a ni. A hmun : Directorate of Health Services (Old Building) Dinthar, Aizawl Ken turte : i) Voter ID emaw Aadhar Card ii) Passport size thlak pakhat iii) Gpay hmanga fee pek theihna tur Mobile Number - Vengchhung mi Gas deliver tur mamawh a ni a, dil duh chuan Pu Rothanguia, Vice Chairman, Local Council hnenah inhriattir theih a ni - Traffic ruahmanna felfai tak hmangan parking chungchangah khauh taka kalpui turin hmalak mek a ni a, vengchhung mipuite nakinah kan buai loh nan kan lirthei dahna lo fimkhur turin kan inngen a, ruahmanna siam mek a ni tih kan inhriattir e. - Vengchhungah ui chhuak leh ui ek hmuh tur a awm leh thin a, vengchhung thianglelimna leh kan himtlanna ngai pawimawh thar turin kan inngen nawn leh a. Kan ingenna ngai pawimawh lo kan awm a nih chuan eng pawh thleng se kan sawi buai thei lovang.	



Chapchar Kut

Chapchar Kut ropui takin kan hmang liam leh ta. Inbuatsaihna pawh a tha tawh hle mai. Thenkhatin awmni kham nan kan hman laii thenkhatten am takin kan hmang thung. Tun hma lam thlir let te tawngkam pawh a ri nawk mai. A nihna tur ang takin kan hmang ta lo pawh a ni mahna. Lo lama tuan ve ta lo thangthar tam tak kan chhuak ve ta bawh nen. Tun hma anga a hlutna hrethiam pha lo pawh thangthar tam tak kan awm awm e.

Kan hun pui neih rem leh rem lova kan chhawmnun te pawh a ni ang. Kan zo nun zia thangthar ten kan chhawmnun theihna kawng pawimawh tak a ni lawi si. Hmasang anga kumpui lingleta an lo er ang ai khan hlu tawh lo zawk pawh ni se tuna kan lawm ang ai hian an hman a rinawm bik loh. Sawrkar leh YMA ten uluk taka an ngaihtuah hnua kan zo ze mil thei ang ber, thangthar te lawm lawm zawng a ni bawh tura an duan a ni.

Khawpuia seilian tan phei chuan chap char te, vahchap te, kang var te chu zirlai buah bak hmuh tur a awm ta meuh lo. Ngaihruat pawhin lunglen a hlir pha tawh lo chu a ni ber mai. Mahse kan pipu nuna kan hun hlimawm nei ve tlem te zing a mi a ni a, kan chhawmnun a tul si a ni. Kan hun pawimawh thenkhat te kan sakhuana nena inkalh hret te a ni bawh nen. Rilru zauzawh pua thangthar te mila kan lawm thiam a tul tawh hle zawk awm e.

Hetiang hun hi kan zo nun ze mawi inzirtir thar nan te, kan pipu te tihdan hriatreng nan te, kan hnam thil te inzirtir thar nawn zel nan hmang tangkai thiam ila. Kan pipu te tihdan nen a lo inperhsan deuh ta a nih pawhin kan hun tawnin a zir ta a ngai thiam ila.

Heng Kut te hian Mizo ka inpumkhatna ti zual zel se, kan Mizona rawn hai chhuuak zel se. Kut dang pawh inlungual takin la hmang thei zel ila a va duhawm em!!

Chapchar Kut chibai vek u le.



THIH ZÀWNNA BÛNG/ THIH ZAWHNA BÛNG

Mizo chanchin zir mi thenkhat te khan he bûng hian, hmanlai kan pi leh pute hunlaiah khan hmun pawimawh tak a chang a ni tih hria in, zirchian tumin hma an lo la tawh a.

He Bûng hi Lungsen khaw dai, khua a tâng a 4 km-ah a awm a, a kung hi a lian in a ropui a, a hmuh nawm tham tak zet bawh. Thingkungte hi an hlu em em a, kan ngaihlut thiam phawt chuan kan tana tha tur a ni, ti ila ka sawi sual awm lo e.

He Bûng hming "Thih Zawhna Bûng" tih hi a mak dangdai hle mai a. A ropui hle bawh a, a bulah hian râp in nuam tak an sak a awm a, a rei deuh tawh na chu, a kâitênte chu thingtuai in an lo thawm tha bawh. Han en reng reng chuan, a zâr uai thla te hi bûng zâr dang aiin a mawi zawk emaw tih mai turin, a seiin, a mawi em em mai a ni. A kal kawng hi chhuk chho lutuk a awm lo a, a zâl nuam em em a, kawng dung tluan hian ngâw thelh nuam tak, dam sawng sawng na tura hmun nuam a ni.

A chanchin ngaihnawm tak chu :-

He Bûng hi a phun kum awm hi an hre mumal chiah lo a, ka thu hriatna/lakna te hian han sawi chian fak theihna turin an aia kum chhir tam zawkte lo zawh chianna an nei hman lo a, chuang chuan ka thu lakna te'n min hrilh dan ang hian, ka'n zia k mai ang e.

He Bûng hi a upa viau tawh a, phun a nih leh a phuntu awm tak pawh hriat a ni chiah lo naging, he khua ah hian hri a leng chiam mai a, a khua chu nitin maiin an thi a. Ni khatah pakhat mai ni lo an thih chang a awm a, chutia an thi zawih zawih mai leh an thi zawn zat mai chu a khaw mite hian, helaia Bûng lo to hi, 'Thih Zàwnna' an ti ta a, mahse, hun a lo kal zel a, mi thenkhat in an lo lam dik lo chhova, tunah chuan mi tam tak hian 'Thih Zawhna Bûng' tiin an hre lâ ta zawk a ni mai a ni e.

Sawi dan dang lehah chuan, 'Mi pakhat Thangdova hi he khua ah hian a awm a, chutia a khaw nawt-a hrileng kai ta

chu, ani pawh hri a kai ve a, a thi ngeiin a inring bawh a, a thih hma chuan mi hnenah, "Ka thih hun chuan, he lai hmunah hian min phum ang a, ka thlanah chuan Bûng a lo to ang a, lo kit miah suh ang che u," a ti a, a sawi ang ngei chuan Thangdova chu a thi a, an phumna hmun a thlanah chuan he Bûng hi a lo to a ni, an ti bawh.

Sawi dan pakhat lehah chuan, a dik emaw a tak emaw an hre bik chiah lova, ti ti-a an sawi dan mai pawh a ni thei an ti a. An khaw dai, Bûng awmna thlang lamah khuan lui pakhat 'Bûng Lui' an tih chu a awm thin a, chu lui chuan huai te pawh a nei a niâwm e. Tichuan, Bûng awmna kâwn huai (a awmna kha kâwn zau leh zâl nuam tak a ni) te nen chuan an in ral khat âuh thin a niâwm a. Chutih lai mite'n an inâuhna a, Kâwn huai pakhat hming an hriat theih chu, 'Keuva' a ni, an ti. Chutia, in ral auh reng reng leh khaw mite tân hnawh sak leh buaina thlen zawnga khawsa an ni lem lo bawh a, an ngai thla liam ve mai mai a ni, an ti. Chuwang chuan, chu 'Bûng lui' hming chawi chuan he Bûng hming pawh hi an lo vuah a ni mai thei, tih te a ni.

Eng pawh lo ni se, he Bûng hi a hlu a, hetiang khawpa lian leh ropui hi a hmuh nawm tham tak zet a, a 'Tiang Hawl' an tih te hi a lian tawh a, lei a thleng mai ni lovin, thingkung thenkhat tiat zeta lian a ni tawh bawh. Tin, he khawtlang hian an dai chhehvel hi an la vawng tha a, ngâw an la nei tha hle a, humhalh that leh zual sauh theih nise, a tha hle. Heng thing te hi kan 'Chuap' an ni a, a zâr hnua daihlum te hi mitin tana chawlhna; a hnah ro tla tling khawm te lah van ruah tui tla lo dawng a, lo pawm khawm a, lei tihnâwng tura tha thawh hlâwk ber ber te an ni a.

Chung thing hnah thel ro mai mai ni a, mi thenkhat hriat leh an hal ral châk ngawih ngawih thin chu, kan nunna tura lang si lova 'Tuihna' siamna hna thawktu ropui ber te an ni si a. Thingkung te leh a hnah tla te hi i lo ning mai lo teh ang u, tui tel lo chuan nun a har em hi, kan taksa lah lipui ang maia tui tam tam awmna a ni si a.

DAMLO

■ Pu Lalhmunsiam Varte, C-Sec. dam lo chu in lamah enkawl mek a ni.

■ Rengkunga, C-Sec. Civil Hospital Aizawl ah a khup zai a ni

■ Pi Lalrinpuui w/o Lalthuneia (L), V-Sec. chu natna hrang hrang avangin LRM Hospital-ah enkawl mek a ni.

■ Pu Zonunmawia, T-Sec. Civil Hospital, Aizawl a zai chu in lama inenkawl chhonzawm turin a lo chhuak.

■ NI. Vanlalmuanpuui d/o H. Thangkima (L), K-Sec. chu Alpha Hospital-ah enkawl mek a ni.

■ Tv. D. Lianmanga s/o Manluni, S-Sec. Civil Hospital, Aizawl a zai chu a lo chhuak leh ta.

■ Pu Malsawmdawngliana Chhange, S-Sec. chu LRM Hospital-ah enkawl leh mek a ni.

■ Pi Marina Ch. Ralte w/o Emanuel Lawmkima, C-Sec. chu Greenwood Hospital-ah enkawl mek a ni.

■ Pu Ralthuama, C-Sec. chu Ebenezer Hospital-ah enkawl mek a ni.

■ NI. Lalrinsangi d/o VL Thianga (L), K-Sec. Nazareth Hospital-a awm chu dam takin a lo chhuak leh ta.

■ Tv. Lalduhpua s/o C. Lalthankima, T-Sec. ch ZMC atangin dam takin a lo chhuak leh ta.

■ Pu Byron Lalsangkima, C-Sec. Synod Hospital, Durtlanga awm chu a lo chhuak leh ta.

■ Pu LH Thanga, V-Sec. Greenwood Hospital-a awm chu in lama inenkawl chhonzawm turin a lo chhuak leh ta.

■ Pu B. Lalramthanga, T-Sec. chu natna hrang hrang avangin in lamah enkawl mek a ni.

PAWL DANG

RNFC: Concert Ticket

RNFC te chuan ni 18.03.2025 (Thawhlehi) zanah hian RSC field-ah concert a buatsaih dawn a, ticket zawrh mek niin vengchhung mipui te lei vek turin kan insawm e.

Ticket Man

Rs. 1000 (photo, meet & greet)

Rs. 200

Zai tur te: **Taitea, Rs-a, Peter-a, Mawimawia, Bk-a, Samson-a**

ZIN & HAW

■ Pu Thandngliana, Finance Secretary, hna pawimawh buaipuia Zokhawthara zin chu a lo haw leh ta.

■ Pu Robert Lalremruata te chhungkua, V-Sec. chu inentir turin New Delhi-ah kal.

■ Pu Hrangdailoa leh a fanu NI. Nancy Lalhmunzauvi, S-Sec te chhiat tawhna avanga Lawngtlai a zin chu dam takin an lo haw leh ta

■ Dr. M. Zohmingthangi, V-Sec. hna pawimawha Khawzawl leh Champhai zin chu dam takin a lo haw leh ta.

■ Pu K. Vanlalrova, N-Sec. MPTA thila Mamita zin pawh dam takin a lo haw leh ta.

■ Pu KC Lalramluahpuia, ECM. a hna thawhna hmun Champhaiah a kal leh ta.

■ Pu H. Lalnunsanga te nupa, V-Sec. chu chhiattawhna avangin Ratuah an zin

■ Pu K. Lalnunmawia, C-Sec. chu hna pawimawh buaipui a hnathawhna hmun Mamit atangin a lo haw.

■ Pu Vanlalnunpuia Varte, C-Sec. chu chhungkaw pawimawh buaipuiin a hna thawhna hmun Bungtlang South atangin a lo haw.

■ Dr. G. Lalthianghlina C-Sec. Vellore-a inenkawl chu a lo haw leh ta.

■ Pu Lianthangpuia leh Pi Lalnuntluangi te nupa, S-Sec. chhungkaw pawimawha Lungsuma zin chu an lo haw leh ta.

■ Pu Sumeon Chorei, S-Sec. te chhungkua chhiat tawh thila Leisenzo a zin chu a lo haw leh ta.

■ Pu David Vanlalhruaia, V-Sec. chu hna pawimawh buaipuiin Kolkata-ah a zin.

KOHRAN

BCM: Mizoram Baptist Kohhran Rorelna sangber Assembly Vawi 129- na Lunglei, Chanmari a neihah BCM Ramhlun North atanga palai kalte :

Upa F. Aihnuna V. Sec

Upa V. Lalhranga T. Sec

Upa Lalrinkima Hnamte T. Sec

Upa Lalrammawia V. Sec

Presbyterian Kohhran:

1. Kohhran Hmeichhia: Kohhran Hmeichhia Inkhawmpui Vawi 51-na chu Thenzawl-ah nei mek a ni a, Ramhlun North Kohhran atangin mi 48 in inkhawmpui hi an chhim a, Ramhlun East Kohhran atangin mi 20 an kal bawh.

Ramhlun North KTP: Group hrang hrang te tunlai hian sumtuak nan biak inah blanket suk hnattlang an nei mek.

LEI PIAH LAMAH



Ngurthanzuala,

Kum 46 h/o H.

Thansangi, N-Sec.

chu ni 04.03.2025

(Thawhlehi) tlai

dar 5:16 khan a

boral a, a tuk ni

05.03.2025

(Nilaini) chhun dar

12:00 khan

Ramhlun North Thlanmual, Zemabawkah vui liam a ni.

Lusun khawhar chhungte thlamuantu Pathianin vengin awmpui zel rawh se.



RUANG CHHAUK

■ **Stephen Lalthlamuana** (K-28) chu ni 1.3.2025 khan a boral a. A ruang hi a pa, Pu John Lallawmkima te in V-Sec. ah chawlhpuia a nih hnuin an khaw lam Kolasib panpui a ni.

■ **T. Langliankapa** (K-50) chu ni 5.3.2025 khan Cancer Hospital, Zemabawk ah a boral a, a ruang hi a pu, Pu Tinkhandala, T-Sec. te inah chawlhpuia a nih hnuin an kaw lam Leisenzo panpui a ni.

■ **Vanlalchhuanga** (K-70) chu ni 7.3.2025 khan Aizawl Hospital-ah a boral a, a ruang hi a unaupa, Pu Lalngilneia c/o Pu K. Romawia V-Sec. te inah chawlhpuia a nih hnuah an khua Ratu panpui a ni.



THIL DANG

■ **KEIMAHNI:** Pu Vanengliana leh Pi Rosangpuui, C-Sec. te nupa chuan an inneih Kum 50-na ni 14.03.2025 a an lawmna turah MARYMA Editorial Board leh agent-te min sawm a, kan va lawm em!

■ **Insawn:** Pi Hrangkimi w/o Pu H. Siku (L) te chu an mahni in Durtlangah an insawn.

Computer Free admission & study Material

INFOSTEP COMPUTER ACADEMY

Govt. Reg. No. 15/03/00956/PMT/SSSBR,

MSCTE/13/06, MCIOA/11/06

Ramhlun North, near Zolian Motors, Aizawl, Mizoram.

Ph: 985 623 4615/700 556 2258

A neitu ngei in a enkawl ah heng te hi a zir theih a, chhun a hman lo tan zing leh zan shift a awm e.

Special course:

Microsoft word, Microsoft excel, Microsoft PowerPoint, Adobe PageMaker

Diploma in Computer Application 1st (thla 6)& 2nd semester (thla 6)

Working hours

Monday to Friday: 7:30 am- 7:00 pm

Weekdays a hman lo tan: Saturday 10:00 am to 1:30 PM

TUI THIANGHLIM

TUI Thianghlim Pick Up Trip 2,000 litres kan pe thei e.

Ph: 9774395434 / 8794790682 5-2



ARTICLE

KHAWL THLUAK NEI

- Dr. C. Remruatfela

Kum 1984 khan American film siam thin James Cameron leh Gale Anne Hurd te chuan mizo te pawhin TV kan en theih chin a film hmuhnawm leh hriat hlawh ber pawl ‘The Terminator’ movie chu tichhuak in, kum 1991 khan ‘Terminator 2: Judgement Day’ an ti chhuak leh bawk. He film hi a hlawhtlin em avangin a chhunzawmna leh a kaihhnawh film pawh a chhuah belh nual a, a changtupa Arnold Schwarzenegger, a hming lam a harsat avangin Sachekzuara kan tih tak mai pawh kan ngainat phahin tun thlengin a chanchin pawh kan ngaihven phah ta a ni. Terminator film ah khan khawvel thiamna sang zelin khawl finna a hman dan te leh chu khawl finna lo sang zel (Skynet) chuan Robot hmanga khawvel a awp tak dan leh, mihring tam tak a suat dan te, chumi dang thei tu tur John Connor thah an tum dan te kan hmu a nih kha. Kan va han en chhuak zing tak! Tun thleng pawh hian ka la en peih nghe nghe.

Terminator chhuah atanga kum 40 a ral meuh chuan khawvel thiamna sang zelin keini India hmarchhaka state changkang (?) tak leh pachhe tak lawi si hi min kal kan bik lo a. Kan kutah khawvel thiamna leh engkim (?) chhana mit khap kar leka hriat zung zung theihna hmanrua kan hum fur ta mai. A hmang thiam ten hlawhtlin nan an hmang a, a hmang thiam dang te erawhin chhiatpui nan an hmang thung. He film hi hmuhnawm thlira kan thlir lain a tak taka thleng thei turah erawh kan ngai meuh lo a nih kha.

Artificial intelligence (khawl finna) chungchang hi 1950 chho velah khan mathematics, computer science leh philosophy zirna inkawp chung a nasa zawk zir chhoh a ni a. 1956 khan Dartmouth Conference ah “Artificial Intelligence” tih hming hi phuah niin zir bingna anga kalpui chhoh a ni ta a 1990 atang khan “Machine learning” (khawl inzirthiamna) a lo lar chho leh tan a, mihringin ti tura kan tih chin chauh nilo, khawlin data a neih dan azir te, thil theng a lo chhinchhiah dan atanga a insiamrem thiam theih dan te an lo zirchiang leh ta a. Hemi hmang hian IBM khawl fing Deep Blue chuan chess world champion Garry Kasparov chu a hneh nghe nghe a ni.

Kum 2010 vel atang khan ‘Deep Learning Revolution’ a rawn lar leh tan a, mihing thluak peng hrang hrangin thil tam tak a khawl khawm a, suangtuahna leh ngahtuahna, thuthukna siam thlenga theihna a nei ang mai ang hian khawlin finna, hriatrengna leh inzirthiamna inthlunzawm (neural network) hmangin mihring ang maia mahnna ngaihtuahna hran nei thei khawl siam chhuah tumna a lo awm chho ta a.

Kan tunlai khawvel kal mek ah chuan heng zirna hrang hrang rah chhuah hi hmuh tur a tam ta hle mai. Generative AI chuan kan suangtuahna-a thil awm te chu thuziak, thlalak, rimawi leh video thlengin kan hriahfiah dan azirin a siamchhuak thiam tawh a. Kan hriat lar deuh turah chuan ChatGPT, whatsapp lamah meta AI, Google Gemini, DeepSeek, apple intelligence etc. te hi kan hnathawhna kawng hrang hrangah kan hmang tangkai hle tawh a nih hi. Khawl finna hian chhiarkawp hmanga harsa taka kan chhut chhuah thin te, zir bingna (research), tawng hmanthiamna leh hriatthiamna leh computer kaltlanga hna kan thawh thin tam tak hi awlsam zawkin min thawhsak tan tawh a ni.

Artificial intelligence hian tangkaina sawi sen loh a neih rualin a hlauhawmna lam pawh sawi sen loh a awm ve tho mai. Geoffery Hinton, AI zirna lama thawhhlawk ber pawla ngaih, Nobel prize pawh 2024-a lo dawng tawh chuan, khawl finna leh zir thiamna in hma a sawn zel dan a thlirin, a thil hmuhchhuah avanga inchhirna tam tak a neih thu a sawi a. Khawl finna in mi tam tak hna a chhuhsak theih dan te, khawl finna avanga mi tam tak bumna thanga a awh theih dan te, thil dik tawklo thehdarhna hmanrua a nih theih dan te leh indona atana hman tangkai a nih theih dan te a sawi a. Hei bakah hian khawl thluak neiin amaha thil a zir thiam chak dan te leh hma a sawn danah hian thunun theih loh leh tuna dinhmuna a siamtu te ngei pawhin an hriatthiam loh thil tam tak a awm thu sawiin, hei hian a rilru a tih nawm loh thu te pawh a sawi bawk a ni. Hetih rual hian khawl finna hi mi tam tak tan chuan eizawna siamsaktu leh hausakna thlentu a ni mek a. Damlo enkawlna leh damdawi siam chhuah kawngah pawh nasa taka hman mek niin, zirna leh zirbingna lamah pawh a tangkai tak zet a ni.

Kum 2000 a lo her chhuah khan mizo tam zawk tan chuan khawl thluak nei (computer) pawh kha kan ban phakah a la awm meuh lo a nih kha, tunah erawh office hnathawk computer khawih



ADVERTISEMENT

KC TUI

(10-4)

Tui thianghlim 2,000 litres, Pick Up-in kan pe thei e. Kan tui chawi hi PHE quality test paltlang ngat a ni e.

Ph: 70050 10327 / 97742 23462

SP TUI

(6-3)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047/8730960917

TUI

(5-3)

Tui thianghlim litre 2000 pickup trip kan pe thei e.

Mobile: 8414960761

BROILER AR

BROILER AR puah loh a pumin kan zuar e.

Kg 1 Rs. 200 a ni ang.

8837326921

Basic Mual,
Ramhlun North

M.S. SEPTIC TANK SERVICE

(6-5)

Septic Tank khat paihfa, commode Block, Pipe Block leh Soakpit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-4)

LD SEPTIC TANK SERVICE

(5-4)

Septic Tank paihfa, commode block, Pipe/ comode fitting, soakpit leh a khur reparing engkim kan khawih thei e.

Regn. MSR 154/2022

Ph: 7640879768 / 9366215935

SAWMA SEPTIC TANK SERVICE

Septic Tank khat paihfa, commode block, pipe fit, soakpit thar siam engkim kan ti thei e.

Rate: Inbiakremna

Ph: 8119969364

St. STEPHEN'S SCHOOL

(5-4)

RAMHLUN ‘N’, AIZAWL

ADMISSIONS HS & HSS (Arts & Sc)

Zirtirtu tha tak te enkawlna *Zirlaite hmathlir neihpuina *Zirlaibu piah lam nunphung zirtima

FREE ADMISSION FOR CL-IX (9774632726/ 9436353625)

(Chhunzawmna)

thiam lo chu hna thiam lo leh hmantlak loh kan nihna chen te pawh a awm ta ve ang. Mobile phone lo chhuah tirh atanga kan tun dinhmun hi han en ta ila, kan taksa peng ang maia kan nuna bet nghet, a tel lo chuan nausen atanga tar thlengin kan tlei thei tawh meuh lo chu a nih hi. Khawl finna pawh hian min chiah leh mek a, reilote ah kan nunah a bet nghet leh hle dawn a. Khawvel in hmalam a pan ruala hma kan sawn ve zel theihna turin kan phak tawk theuha kan zirchian a kan hmelhriat hi a pawimawh hle a ni.

RAMHLUN NORTH BRANCH YMA CHHIATNI 2025 KALPHUNG TLANGPUI

(Note – Ni 14.02.2025 zana Branch Executive Committee-ah, siamrem ngaite siamremmin pawm a ni.)

- HLAMZUIH :** Hlamzuih chung changah hian chhungkhat leh thenawm khawveng ten kuang siamsakin, hunserh/vui zawhah thlanmualah inphum nghal mai thin a ni. YMA in remchang lai an ruahmanah inphum thin nise. Hlamzuih thlan hi humhalh leh enkawlzui a ni vak lo. (Chhungten an ngaihpawimawh dan azirin khap erawh chu a ni chuang lo.) Hlamzuihah khawntesep leh mitthi pangngai kan buaipui ang thil tih engmah neih a ni lo. A tul a nih chuan, Kuang siamna hmanrua kan neihte hman phalsak an ni. Thlanmual hluiah phum thin tur a ni. YMA bungrua a tul anga hman phal a ni.
- TLAIVAR :** Zing dar 9 hnulama thite tlaivarpui an ni thin. Zana dar 12 hma lama thite chu tlaivar puia ngaih an ni. Tlaivar pui a nih loh chuan, dar 1:00 Pm-ah vui an ni thin. Tlaivarpuite chu chhun dar 12-ah vui thin a ni. Tulbik thilah chuan YMA hruaitute, Kohhran hruaitute leh khawhar chhungte nena inberema, tihdanglam theih a ni. Tlaivarpui chungchangah Aizawl veng hrang hrang leh Hospital-a thi te an thih hun darkar tinzawn a ni. Hmun danga thi thlawhtheihna-a phurh haw te chu Lengpui Airport chhun dar 12-ah an rawn thlen hman chuan vui nghal an ni.
- YMAHUN HMAN DAN :** YMA ten khawhar/mithi in kaihhruihna hi zan thum chhung kan hmanga, Branch Executive Committee ten inkaihhrui chhawkin, darkar 1 atanga darkar 1:30 inkar hun hman thin a ni. Zan 2-na Section hruaitu ten hruai thin a ni. Tlaivar ngai anih chuan tlaivar zan hi zan hi zan 1-naah chhiar tel a ni a, zan dar 11-ah hun hman tan a ni.
- MITTHI BUHFAL :** Veng chhungah mitthi an awmin buhfai 50 kg. bag khat pek tur a ni.
- THLANLAH :** Thlan laih hi hnatlaga laih thin a ni a, tul bik thilah chuan hlawhfa pawh laih tir nise, YMA hruaitu te kaihhruihna anga laih thin tur a ni.
- KUANG SIAM :** Laminated board hmangin kan siam a, mi tlawmngai thawkchhuak ten YMA hruaitute kaihhruihna in siam thin a ni. Sakhaw thil a nih loh chuan a hranpaa kuang chei phal a ni lo a, pangpar pawh dah loh tur a ni.
- THINGPUI LEH CHHANG/SAWHCHIAR :** Thingpui hi a paw thlum leh a paw hang mithi vui dawna sem/ chhawp rualin, chhang chhawp tel tur a ni. Mitthi lumen zana sawhchiar sem thin a ni a, zan dar 10:00 hma a thi te chu Sawhchiar siam ngei nise, Zing lam dar 1:30 leh dar 2:00 inkarah sem thin tur a ni. Sawhchiar siam hman loh chuan chhang remchang sem thin tur a ni. Thingpui hi tlaivar zana vawi-3, dar 9 dar 1:30-2:00 Sawhchiar sem rualin leh dar 3:30-4:00 ah sem thin nise, Zing karah tea urn-ah thingpui chhawp/sem ni baw se. Tlaivar zan sawhchiar sem tur hi Sawhchiar Incharge ten an buaipui thin ang.
- MITTHI VUI :** Mitthi vui hi Kohhran programme a ni a, Kohhran nei lo an nih chuan a tul angin YMA hruaituten kan buaipui thin. Mitthi in leh vuina a information mic buatsaihi hi YMA ten kan tih thin a ni a. Section hruaitute mawhphurh a ni deuh bik.
- THLALAK :** Kuang thlalakpui hi a rei lo thei ang bera hun hman thin a ni a. Hmeh 20 aia tam lo hi YMA duh dan a ni.
- KUANG ZAWN, KUANG AKHUNG LEH THLAN VUR :** Hei hi makpa leh chhungkhat hnaivaite tih tur a ngaih a ni a. A tul angin YMA ten puihbawm thin a ni.
- MIKHUAL THIH :** Mikhual kan veng a vui tur an awmin tlaivarpui kher an ni ngai lo, remchang hmasaberah vui thin a ni. Mikhual thihah hian YMA-in khawhar ina hun kan hmante tih a ni ngai lo. Mikhual thih a thi tur chin chu a tlachawpin CYMA chhiatni kaihhruihna en chungin rel thin a ni.
- YMA BUNGRUA :** YMA bungraw hmante hawh man lak a ni ngai lo, bungraw hman theih chhung hi ni 3 leh zan 3 a ni. Khawhar chhungten an mamawh dan azirin hriatthiamna thui tak a awm.
- LUNGPHUN LEH THLAN THUT :** Lungphun leh thlan thut hi chhiat ni a ngaih a ni. YMA Buangrua pawh man loin an hmang thei ang.
- FLAG DUM TAR :** Mithi inah hian Flag dum tar thin tur a ni.
- MEMBER BORAL RALNA :** YMA Member an boralin inralnan dekchi Rs. 1,500/- man hu kan inpe thin. YMA Member thi an awmin YMA Flag zar thin tur a ni.
- RUANG CHHUAK :** Kan veng atanga ruang chhuak an awmin kuang siam sak thinin Branch hmingin puanin kan tuam thin. Thingpui erawh kan lum sak ngai lo. Chhungkaw lamin tul an tiha lum a nih chuan a tul angin kan pui thin.
- BAWM DAWH :** YMA hun hman chhung leh ruang a awm chhung ralna bawm dawh a ni thin a. Zan hnunung berah chhiar niin khawhar chhungte hnenah hlan thin a ni. Ralna bawma tla Rs.5,000/- a tlin loh chuan Branch suma hnawhkhah thin tur a ni.
- THLAN SIAM MAN :** Thlan siam man khawhar chhung ten Rs.4500/-an pe thin tur a ni a, naupang thlanah Rs.3,000/- Branch-ah an pe thin ang.
- KUANG A INDAH CHUNGCHANG :** Mitthi kan awmin a hma thei angin kuangah indah thin nise. Damdawi in a thi te chu kuangah indah sain lak thin nise.

Note : Tul bik thilah chuan Chhiatni kalphung hi Branch Executive-in a tidanglam thei ang

CH.K TUITION CENTRE

2025 Session atanga tan turin Class 1-10, subject hrang hrangah tuition a mamawh tan hawn a ni dawn ta e.

A hmun: H. Chalkhuma Building

H. No. C/115/C/III

Biak In mual, Ramhlun North

Contact No:

9862575455 | 9862343947

**PUBLIC HIGHER SECONDARY SCHOOL
RAMHLUN VENG LAI; AIZAWL.**

**2025
ADMISSION
For CLASS XI & XII (Arts)**

**OPEN
10-13 March, 26-28 March 2025
Time: 10 a.m - 2 p.m**

SUBJECT OFFERED:
POLITICAL SCIENCE HISTORY EDUCATION
ECONOMICS GEOGRAPHY

**CONTACT : 9862598857
9436782551
8014529834**

Location scan here

CAMFORD JUNIOR HIGH
Admission to Class XI & XII
Ramhlun Veng Lai, Aizawl

**ADMISSIONS
OPEN
For Pre-School/Nursery
(2025-2026)**

→ Zirlai kum 3 te tan.
→ Zirtirtu trained leh experienced.
→ ICSE syllabus.
→ Activities leh practical hmanga zirtir leh kaibhrui.
→ Zirlai leh nu leh pa te thlamuanna.
→ Zirtirtu pakhatin zirlai 20 bak a enkawl lo. (LIMITED SEAT)

→ **LKG (4yrs) non parish seat them a la awwm e.**

Contact : 9612762116

ADVERTISEMENT

ADMISSION OPEN
CLASSES : NURSERY - VIII
FREE ADMISSION
Admission Form available at Principal's Office.
CREDENCE EDUCATIONAL INSTITUTE
Bawngkawn, Near Vishal Mega Mart

9089268412 / 9862383866
Call & WhatsApp available

GOVT. MODEL ENGLISH MEDIUM P/S
Ramhlun North 3-3
ADMISSION OPEN
Class: KG-I-IV
For Academic Session 2025-2026
Heng a hnuaia hming leh phone number tarlan ahte hian engtik
lai pawhin a biak theih e
Contact
Headmaster - 9862300713 Miss Maengi - 9862304349
Miss Maremruali - 9862075945 Miss kuri - 9862013295

GOVT. ENDALA MIDDLE SCHOOL 3-3
FREE ADMISSION OPEN
Ni 3rd March, 2025 (Thawhtanni) Dar 10a.m.
atang admission hawn ani ang.
Free Textbook Free midday meal Free computer training
Smart-class
Science leh Mathematics a chaklo te tan extra clas lakpui thin
a ni.
Contact
Headmaster 8575669470 Miss Hmingi - 9862367995
Miss Maengi - 9862816373 Miss Puipuii-8575255065

MONT FORT HSS
Ramhlun North, Aizawl
CLASS IX- XII (Arts)
Admission hawn mek a ni
Experience teacher te zirtirna hmun a ni. Kum tin HSLC leh
HSSLC Result tha tak kan nei thin.

9436365546 / 8414960761

JOHAN'S COMPUTER INSTITUTE (JCI)
(GOVT. APPROVED INSTITUTION)
Near LH Thanga Enterprise, Industry Peng, Ramhlun 'N'
Contact No. 7005608874

COMPUTER CLASS (Jan - Jun Session)
FREE ADMISSION OPEN

COURSES:
1. CCC | 2. DCA 1st & 2nd Sem | 3. Sketchup
(Certificate course bakah hian mahni duh ang Software Application a zir
theih bawk)
Timing: 6:30am - 8:30am | 10:00am - 5:30pm | 6:30pm -9:00pm
Instructor: C Lalbiaknunga (Nungtea), BE Comp. Sc & Engg.
COMMON SERVICE CENTRE (CSC)
kaltlangin hengte hi kan ti thei bawk
*Pan Card *Motor Insurance *Learner's Licence
*Tribal/Residential/Income Certificate *Indian Passport
*GST Registration *UDYUM Registration
* Golden Card (Kum 70 chin chunglam tan)
* Golden Card (Ration Card Eng leh Pawl neite tan)

GRACE OPTICALS
Tarmit tlawmna hmun leh a thlawna Computer-a mit check-
na. Phai lama chah ngai kan chah sak thei bawk e.
Industry Peng
Near Traffic Point (Coco-Cafe Hnuai)
Ph: 7628877852/9366485952

HOME MISSIONS SCHOOL
ADMISSION OPEN
Home Missions School, Zarkawt leh Dawrpui -ah 2025 -
2026 session atan KG I atanga Class XII (Arts & Science)
admission hawn a ni a. Nitin dar 9:00 A.M - 2:00 P.M -
thleng school ah ngaihven theih a ni e.
Contact : 9862373518, 9436197405, 9436196697

**HOLY CHILD SCHOOL**
Motto : Learn to Serve

**ADMISSION OPEN
FOR 2025 - 2026**

° KUM 2025-2026 ACADEMIC SESSION
ATAN
NURSERY TO CLASS-X, ADMISSION A TIH
THEIH LEH TAWH E. IN FATE HMASAWN NAN
THEIH TAWP KAN LO CHHUAHPUI ANG
CHE U.
ZING DAR 10:00 ATANGA TLAI DAR 3:00
THLENG, PRINCIPAL
OFFICE RAMHLUN NORTH, RSC FIELD BULAH,
ADMISSION A TIH THEIH RENG E.

holychildschool143@gmail.com
94361 54080/ 7005612221

STAINES' MEMORIAL SCHOOL
Chanmari, Aizawl
**ADMISSION
OPEN**
Class IX to XII
(Arts, Science & Commerce)
Dayscholars & Hostellers
Phone : 7005631048 / 7005461509
9862665024 / 7005679553
Office hour : 9 : 30 AM - 3 : 30 PM
5-3 (Monday - Friday)

